



冤仇蟲

自出世到今，我毋捌個人結冤仇，仙想都想袂到這幾冬，我煞恰某一種毋成物仔蟲結冤仇。這款蟲害阮兜彼二、三十欉荔枝，這幾冬攏無半粒收成，三不五時仔會共卵生佇咧阮曝佇外口的衫仔褲、棉襪被頂，閣不時會傷人的皮膚甚至目矙，真正是食人夠夠。濟濟的鳥鼠仔冤、田螺仔冤……，冤仇有影是愈結愈深。

代誌是對五、六年前，阮買一塊山坡地起致。我發揮南部人拍拚作穡的精神，帽仔戴咧、手橐仔掛咧、雨鞋穿咧、細細支仔鋤頭擲咧、椅頭仔坐咧，坐佇咧荔枝樹跤，那薙那割草。無疑悟，我頭一下擔，發現對荔枝樹頂，有一寡仔雨水沓沓仔咧滴落來。彼就奇囉！日頭赤炎炎，呷會滴雨咧？

啊我這個人神經線不止仔大條，全然無警覺心，全款繼續薙草。一直到暗時仔咧洗盥的時，才發現跤腿毋知是按怎，竟然有一大片皮膚紅絳絳！這聲緊張矣，緊洗洗咧去抹藥仔。隔轉工，發現彼搭的皮已經臭火焦，閣過無幾工煞溜皮，肉看現現，實在有夠恐怖！落尾，藥仔糊欲兩禮拜才好離，彼底閣留欲規冬才無去。

這擺的悽慘代，落尾我查出兇手矣，當時仔是「臭屁蟲」。佇荔枝樹仔頂懸感覺有人類接近，就隨噴臭汁來攻擊。是講 有夠神經質，我薙我的草，恰 有啥底代？歇佇兩、三樓懸的樹仔頂，我敢有礙著 ？噴彼款臭蕨蕨閣會咬肉的臭汁，雖罔我有穿長褲，跤腿嘛是活活去予剝一重皮。

「臭屁蟲？啊無，是佱臭屁啊？閣過鹹水來的？侵門踏戶來阮臺灣耀武揚威？真正是膨肚短命，死無人哭的冤仇蟲！」我心肝底暗暗仔咒讖袂煞。毋過我話講重耽去矣，因為這款臭屁蟲歲壽無算短，干焦五齡的幼蟲期就活兩個月久，成蟲閣活欲兩百工至三百工，一隻蟲會為害農作物一年貼貼。聽講 閣夭壽仔韌命，農民濺農藥對付， 竟然有抗藥性，無啥咧顫悶，有影是好厲害的冤仇蟲啦！

作者：林麗黛

☆詞彙學習☆

【濟濟】tsē-tsē/tsuē-tsuē：很多、數量眾多。

【鳥鼠仔冤】

niáu-tshí-á-uan/niáu-tshú-á-uan：比喻極小的冤仇。

【無疑悟】bô-gî-ngōo：又唸作 bô-gî-gōo。不料、想不到。

【擔】tann：表示把頭抬起。

【呷會】thài ē：又唸作 thah ē。怎麼會、豈會。為偏漳腔地區詞彙。

【洗盥】sé-tng/sué-tng：洗滌、清洗。

【溜皮】liù-phuê/liù-phê：脫皮、破皮。皮膚脫離掉落。

【疔】khî：疤痕、傷疤。

【臭蕨蕨】tshàu-hiam-hiam：形容刺鼻的尿臭味。

【膨肚短命】phòng-tōo-té-miā：凸肚子短命鬼。咒罵人早死的用語。

【重耽】tîng-tân：事情出了差錯。

【貼貼】tah-tah：從頭到尾。用在時間詞後。

【韌命】jūn-miā/lūn-miā：有韌性、生命力強，經得起磨難。